

Convocatoria de proba para a ampliación da listaxe de contratación temporal na categoría laboral de técnico/a de control de radio na Corporación Radio e Televisión de Galicia

1. CATEGORÍA LABORAL

Técnico/a de control de radio

2. OBXECTIVO

Ampliar en cinco membros a listaxe de contratación temporal existente incluíndo novos/as candidatos/as, de forma que se cubran as necesidades existentes.

3. DEFINICIÓN DA CATEGORÍA LABORAL

Amplios coñecementos de acústica en xeral e manexo de equipos de baixa frecuencia considerados necesarios para efectuar calquera tipo de emisións e retransmisións, así como tomas de son, mesturas e encadeamentos, elaborando as gravacións, os arranxos e as montaxes finais.

4. REQUISITOS ACADÉMICOS

Ciclo Superior en Son para audiovisuais e espectáculos.

Os/as aspirantes deberán posuír o requisito académico solicitado en data non posterior á da data de finalización de inscrición neste proceso selectivo.

5. PROCEDEMENTO

Os/as aspirantes deberán cumprir coa normativa vixente respecto ás esixencias para poder traballar en España.

Os resultados da presente convocatoria de ampliación de listaxe de contratación serán válidos aos efectos de cubrir as necesidades de contratación temporal da CRTVG na categoría de técnico/a de control de radio, sen que xeren efecto algún na adquisición de fixeza laboral.

As persoas candidatas resultantes desta listaxe de contratación temporal terán preferencia pola orde final que ostenten como resultado da convocatoria, sempre con posterioridade a quen figure na listaxe de contratación derivada de Ofertas Públicas de Emprego fixo celebradas no pasado.

Esta listaxe será de aplicación para todas as contratacións temporais, en calquera das súas modalidades.

Esta listaxe de contratación temporal terá vixencia ata novas Ofertas Públicas de Emprego ou, como máximo, dous anos de duración.

6. TRIBUNAL

- Carlos Lozano Casado, presidente
- Modesto Pena Rey, vogal
- Ramón Novo Folgueira, lingüista
- Mercedes Blasco Zas, secretaria
- Isidro Gea Cabanelas, suplente

7. PRINCIPIOS DE ACTUACIÓN DO TRIBUNAL

Os membros do tribunal comprométense a garantir os principios constitucionais de igualdade, mérito e capacidade, ademais dos de publicidade e transparencia. Igualmente, comprométense a garantir o segredo das probas.

Os membros do tribunal reciben copia dos art. 23 e 24, de abstención e recusación, da Lei 40/2015, de 1 de outubro, do Réxime xurídico do sector público.

Os membros do tribunal asinarán declaración de non atoparse incursos en ningún dos motivos previstos de abstención ou recusación unha vez se elabore a listaxe de inscritos.

Os membros do tribunal comprométense a publicar esta convocatoria e as seguintes publicacións do proceso na web da CRTVG (www.crtvg.es).

Os membros do tribunal comprométense a garantir a adaptación que se considere necesaria para a participación nas probas en condicións de igualdade a aspirantes que padezan algunha discapacidade igual ou superior ao 33%, se for o caso.

O lingüista encargarse de cualificar en exclusividade a proba de galego. O resto de membros do tribunal encargaranse de poñer e puntuar o resto das probas. A secretaria non participará na elaboración das probas nin as puntuará.

O tribunal poderá dispoñer a incorporación aos seus traballos de asesores/as especialistas para todas o algunha das probas. Os ditos asesores limitaranse ao exercicio exclusivo das súas especialidades técnicas, polas que colaborarán co órgano de selección. Os asesores tamén deberán absterse de participar cando concorran as circunstancias previstas no art. 28 da Lei de Réxime xurídico das Administracións públicas e do procedemento administrativo común e notificaranllo ao órgano convocante.

8. INSCRIPCIÓN

Para a inscrición, os/as aspirantes deberán enviar mediante correo electrónico ao enderezo proceso.seleccion@crtvg.es a documentación e datos indicados a continuación:

1. A convocatoria á que se presenta.
2. Curriculum vitae.
3. Fotocopia do DNI.
4. Acreditación do requisito académico solicitado (certificado do título ou similar).
5. Certificado da nota media do expediente académico emitido polo centro correspondente.
6. Os/as aspirantes con discapacidade, cun grao de minusvalía acreditada igual ou superior ao 33%, deberán facer constar se precisan de adaptación de tempo e medios para a realización da proba.

Se non se presentase a documentación requirida quedaría excluído do proceso de selección.

O prazo de inscrición remata o día **29 de xuño de 2021**

9. LISTAXE DE ADMITIDOS/AS

O tribunal seleccionará, entre os/as aspirantes que cumpran todos os requisitos e presentaran toda a documentación requirida no apartado anterior, os quince expedientes con maior nota media, publicando posteriormente a listaxe provisional de admitidos/as.

En caso de empate, incluíranse os/as aspirantes que teñan a mesma nota media.

Contra estas listaxes provisionais de admitidos/as e excluídos/as poderanse presentar alegacións no prazo de cinco días naturais, a contar desde a publicación das listaxes.

Estas alegacións serán enviadas ao enderezo electrónico proceso.seleccion@crtvg.es.

O tribunal resolverá as alegacións presentadas no prazo máximo de cinco días, publicando a continuación a listaxe definitiva de admitidos/as.

10. PROBAS

As probas poderanse presentar os/as aspirantes que figuren na listaxe definitiva de admitidos. As probas realizaranse o día **8 de xullo de 2021**, na sede da CRTVG en San Marcos (Santiago de Compostela), ás 10:30 h.

Os/as aspirantes deberán estar quince minutos antes na entrada das instalacións da CRTVG e presentar o DNI, pasaporte ou permiso de condución en vigor.

A valoración de coñecementos farase a través de:

1. Proba teórica tipo test de coñecementos específicos (30%)

Consistirá en contestar por escrito un cuestionario de 40 preguntas tipo test.

Nesta proba entrarán as seguintes materias:

- Aspectos físicos do son
- Percepción sonora. Xeradores de son
- Captación de son: micrófonos
- Toma de son
- Reproducción sonora: altosfalantes e amplificadores de potencia
- O mesturador
- Fundamentos de Audio Dixital
- Editores dixitais de son: Daw
- Cables e conectores: liñas de audio
- Equipamento externo
- Audio no PC e en Internet

2. Proba práctica de coñecementos específicos (70%)

A proba práctica consistirá na realización de dous supostos, que permitirán demostrar o manexo dun estudio de Radiodifusión, mesa de mesturas dixital e microfonía para a gravación e edición de audio en software de edición tipo Audacity:

-Emisión dun boletín informativo guionizado, con numerosos cortes no editor, e paso a entradas de audio do exterior. Así mesmo, gravación e posproducción de cortes para emitir en seguintes boletíns horarios.

-Montaxe dun programa gravado de media hora de duración a partir dos materias sonoros entregados, que constarán de locucións de periodistas, entrevistas, sintonías, indicativos, promos e música.

Para acceder á Praza convocada e preciso superar unha nota media entre todas as probas de cinco (5) sobre dez (10).

• Proba tipo test de coñecemento de lingua galega

Os/as aspirantes que acrediten a posesión do certificado Celga 4 non terán que realizar a proba de coñecemento de lingua galega. Esta proba terá un grao de dificultade consonte ao programa do certificado Celga 4, e as súas cualificacións serán unicamente de apto ou de non apto. Para ter cualificación de apto os/as aspirantes deberán obter unha puntuación mínima de 5 puntos sobre 10. A cualificación de non apto significará a exclusión do proceso. Se se dese o caso, a posesión do certificado Celga 4 (con data non posterior á de finalización do prazo de inscrición a este proceso) prevalecerá sobre o resultado obtido na proba.

A non superación da proba de lingua galega significará a eliminación do proceso.

11. LISTAXE DE PUNTUACIÓNS

O Tribunal publicará a listaxe de puntuacións provisionais das probas teórica e práctica na páxina web de CRTVG.

Os/as aspirantes poderán presentar alegacións contra eses resultados provisionais no prazo de cinco días naturais desde a súa publicación. As alegacións enviaranse ao enderezo electrónico proceso.seleccion@crtvg.es.

O tribunal resolverá as alegacións presentadas nun prazo máximo de cinco días, publicando a continuación a listaxe definitiva de puntuacións.

12. CRITERIOS DE PRELACIÓN PARA RESOLVER EMPATE

En caso de empate, seguiranse, por esta orde, os criterios de desempate:

1º. a favor do aspirante que tivese maior puntuación na suma das probas de desenvolvemento práctico.

2º. a favor do/a aspirante de sexo feminino.

13. ACCESO AO POSTO DE TRABALLO

O/a aspirante seleccionado/a, deberá presentar no momento da sinatura de contrato a acreditación dos requisitos esixidos, con copia compulsada dos títulos ou certificados académicos, e informe de vida laboral.

Os/as aspirantes deberán posuír a capacidade funcional necesaria para o desempeño das funcións que se deriven do correspondente contrato laboral. Só para estes efectos, a CORPORACIÓN RADIO E TELEVISIÓN DE GALICIA poderá esixir aos/as aspirantes seleccionados someterse ao recoñecemento médico realizado polo servizo médico da empresa.

No caso de que o/a aspirante seleccionado/a non acredite contar con estes requisitos declinarase a proposta a favor do seguinte aspirante con maior puntuación.

14. PROTECCIÓN DE DATOS

De conformidade coa normativa vixente, infórmase ao interesado/a de que os datos facilitados serán tratados pola Corporación Radio e Televisión de Galicia SA (Corporación RTVG), entidade prestadora do servizo de comunicación audiovisual de competencia da Comunidade Autónoma de Galicia, con domicilio social en Bando, San Marcos, s/n, Santiago de Compostela.

Os datos persoais facilitados no seu currículo e aqueles outros que nos poida facilitar durante o proceso de selección, serán tratados co fin de valorar e xestionar a súa solicitude de emprego e, no seu caso, levar a cabo as actuacións necesarias para a selección e contratación de persoal e, salvo que vostede nos indique a súa vontade en contra, serán conservados durante un ano cos fins indicados, polo que é da súa responsabilidade mantelos actualizados, posto que serán utilizados para comunicarlle futuras vacantes que se axusten ao seu perfil e poidan resultar do seu interese.

Así mesmo, informarlle que os seus datos serán tratados sobre a base do seu consentimento, que pode retirar en calquera momento, se ben iso faría que a súa candidatura non puidera ser tida en conta nos nosos procesos de selección de persoal. Non entanto, no caso de retirar o seu consentimento, iso non afectará á licitude dos tratamentos efectuados con anterioridade. Aos/as aspirantes daráselles unha folla de consentimento voluntario de tratamento de datos.

Santiago de Compostela, 22 de xuño de 2021



Susana Fernández Veiguela
Directora de Recursos Humanos
Corporación Radio e Televisión de Galicia, SA

CTVG CORPORATION
RADIO E TELEVISIÓN
DE GALICIA
Recursos Humanos